

Date – 10/07/2024
Time - 7:30 -7:40Hrs
REGIONAL NEWS BULLETIN

HEADLINES (MORNING)

1. **Lengpui Airport kawng, Pukpui chu lirthei engchi mah kaltlang theih lohvin a ping a, Buichali lam kawng zawh tur a ni.**
2. **Mizoramah vawk pulhri ASF vangin nimin khan vawk 299 thiin vawk 435 suat a ni.**
3. **India leh Russia chuan kum 2030 hmaa dollar tlukelhdingawn 100 hu sumdawwna kalpui an tum Ram pahnihte hian inremna thuthlung chi kua an ziak.**
4. **CBI chuan NEET-UG paper leak thubuaiah mi pahnih an man belh.**

<><><>

LENGPUI HIGHWAY

Lengpui Airport kawng, Pukpui chu a bal avangin lirthei engchi mah kaltlang theih a ni lova, Buichali lam kawng zawh tur a ni.

Nimin tlai lamah helai Lengpui kawng hi a min avangin lirthei a kaltlang thei lova, khualzin engemawzatin harsatna an tawh phah a, helai kawng ah hian lirthei ke hnih nei chauh a kaltlang thei a ni.

<><><>

FOREST MINISTER

Environment, Forest & Climate Change Minister Pu Lalthansanga chuan MINECO-a Mizoram Pollution Control Board (MPCB) Office nimin khan a tlawh a.

Minister chuan MPCB hnathawhte pawimawh a tih thu sawiin tân aia nasa lehzuala mipuite hriat theih tura intârchhuah uar turin a fuih a, District dang tânte pawh mipuite’n awlsam zâwka an dâwr theih nâna ruahmanna siam thiam a ãul thu a sawi bawk. MPCB-a thawktu indaihlohna leh thawktu tam zâwk Project Staff-te hmâkhua leh hamthatna turte ngai pawimawhin a ãul anga a lo bawhzui tur thu a sawi bawk. Minister chuan MPCB-a thawktute chu an hnathawh zêlna turah ‘Maximum Work –Minimum Management’ ethic nei turin a chah bawk.

Minister hi MPCB hotute leh Staff-te’n lo dawngsawngin an office hmunhmâte leh an hnathawh dante uluk takin a enfiah nghal a. MPCB officer

leh Staff-te nen inkawm hona hun neiin MPCB Chairman Pu Liankima Lailung in Minister lawmna thu sawiin MPCB Member Secretary Pu C. Lalduhawma'n Board inrêlbâwl dân leh hmalâkna hrang hrangte a târlang bawk a. MPCB-in an mamawh leh an harsatna tawhte Minister hnênah hian an lo thlen nghal bawk a ni.

<><><>

SENSITISATION WORKSOP

Kumtlinglo naupang/leirawl hnathawka chhawr Child Adolescent Labour leh Child Trafficking chungchang inzirtirna Sensitization Workshop chu Serchhip DC Conference Hall ah nimin khan neih a ni a.

He hun hi Serchhip DC Pu Paul L.Khuman a hmanpui a, thusawiin, dan kalha naupang kumtling lo hnathawka chhawr luih leh naupang hralha sumdawn child trafficking chungchangah Serchhip District chuan vawiin thlenga case a la nei lo chu a lawmawm a, chutihrual chuan hetiang thil hi kan chungah leh kan khawtlangah a thlen ve lohna tura tan kan lak a tul hle a ni a ti

DC kaihhruaia hnuaiiah Vigilance Team for Inspection and Monitoring on Prevention of Illegal Transportation of Children chu Serchhipah din ni tawhin he team hian a vawikhatna atan Serchhipah child labour leh trafficking a awm leh awm loh enfiah turin rescue operation chu tunkar ningani leh zirtawpni hian Serchhip ah an nei dawn a ni.

He programme Additional DC Pu Lalrinzuala kaihhruaia hian resource person pahnih - Pi Lalsiampuii, District Child Protection Officer leh Pu Lalrinhlua, Advocate ten Child Adolescent Labour leh Child Trafficking chungchang zirtirna an pe a. Official te bakah bazar nuho te, workshop neitute, VC leh khawtlang hruaitute, NGO hrang hrang te leh chanchinbumite an tel a ni.

<><><>

ASF

Animal Husbandry and Veterinary Dept chhinchhiah danin Mizoramah vawk pulhri -African Swine Fever (ASF) vangin nimin khan vawk 299 thiin vawk 435 suat a ni a.

ASF vang hian Mizoramah kumin January thla atanga vawiin thleng khan vawk 5321 thi nia report a ni a, vawk suat tawh zawng zawng hi vawk 10040 a ni tawh a. Nimin bika vawk thi zat hi Aizawl District ah vawk 65 a ni a, Serchhip District ah vawk 60 Kolasib District ah vawk 37 leh Mamit District ah vawk 137 a ni a. Tihian nimin bika Mizoram chhunga vawk thi zat hi vawk 299 a ni a.

Nimin vek khan Mizoram chhungah vawk 435 suat a ni a. Aizawl District ah vawk 195 suat a ni a, Serchhip District ah vawk 132 Kolasib District ah vawk 4 leh Mamit District ah vawk 104 suat a ni bawk a ni a.



NCD

Lunglei Auto Rickshaw Owners' Association member-te pualin nimir khan Saikuti Hall-ah traffic dan leh natna inkai chhawn theih loh chi chungchang inzirtirna, 'Awareness Campaign on Traffic Rules & Non-Communicable Diseases (NCD)' hun hman a ni a.

LMC Vice Chairman Pu K. Lalrinawman he hun hi a hmanpui a, Healthy Lunglei District chungah lawm thu sawiin Lungleia lirthei tam ber chu auto rickshaw a nih angin rickshaw khalhtute an smart chuan Lunglei traffic chu a smart tur thu sawiin, lirthei khalhtute chu Lunglei khawpuin traffic lama hma a sawn zel theih nan thuneitute nen thawh hona tha tak kalpui zel turin a chah a. LMC-in faina leh thianghlamna a ngai pawimawh tih sawiin, auto rickshaw driver te chu Faina ngai pawimawh zel tura chahin, LMC-in stand te tan inelna pawh a buatsaih tur thu a sawi a. An eizawna ngai pawimawh tur leh nungchang mawi pu tur te ruihhlo laka fihlim a, an hriselna ngai pawimawh turin a chah.

Awareness campaign hi Lunglei Auto Rickshaw Owners Association President Pu Lawmhmithanga'n a kaihruai a. Pu James Miahlung, Additional Deputy Commissioner & Chairman Sub-Committee On NCD Awareness Campaign & Screening Drive, Lunglei pawhin thu sawiin, DTO leh Traffic lam te nen Auto Rickshaw Owners Association te puala NCD leh traffic chungchang inhrilh hriatna neih ni se tih rel a nih angin he hun hi buatsaih a ni tih a sawi a. Mizoram hi ruihhlovin min run mek a, thalai tam takin nunna an chan bakah, sum leh pai sen a tam a, hemi a nih vang hian natna laka inven hi a pawimawh hle a ni tiin, ei leh in chungchangah pawh fimkhur a tul thu a sawi a. Traffic Rules te zawm a, an hriselna dinhmun endik theuh turin lirthei khalhtu kal khawmte chu a chah bawk a ni.

Awareness campaign-ah hian auto rickshaw neitu mi 250 chuang telin, Civil Hospital, Lungleia thawktute'n an hriselna dinhmun an endiksak a ni.



SAITUAL

Central sawrkar (NITI Aayog) hmalakna Aspirational District huam chhunga Block thlan chhuah Ngopa RD Block a thla thum chhung hmalakna tur, Sampoonnata Abhiyan chu RD Minister Prof.Lalnilawma'n an nimir khan a hawng.

Minister chuan Aspirational Block atana thlan nih chu hmasawna sum tamtak luhna remchang a nihna zawnah a lawmawm rualin Block hnufum, tihhmasawn ngai nih erawh a lawmawm dan a dang deuh a ti a,

Minister chuan Sampoornata Abhiyan tihlawhtling turin line department te chu thawhhona leh inlungualna ṭha an neih phawt chuan an target an hlawhtlin ngei a rin thu sawiin, scheme awmsa reng tihlawhtling turin deptt chak lohna lai indawm kang tawn a, he scheme 'Sampoornata Abhiyan' hian ṭan lehualna min pe ngei sela, midangte entawn tlak (Inspirational Block) kan nih ngei theih nan ṭang rual ang u, tiin a sawm a, ama chan mek RD, PHE leh Horticulture Department te pawhin thawhona leh ṭan hona ṭha (Convergence & Collabortion) nen inelna thianglimin bul an ṭan mek tih a sawi.

Sampoornata Abhiyan hnuaiah hian thla 3 chhungin zaa za heng tehna chi hrang hrangah hian tihhlawhlin tum a ni dawn a, chungte chu :- Hriselna lam kaihhnawih, nu naupai hriselna endik, raipuarin chaw ṭha a dawn dan, BP leh zunthlum kum 30+ test te leh Self Help Group ten ṭanpuina an dawn dan te chu tehna tlangpui tur a ni.

<><><>

FISHERIES

Khawzawl District Fisheries Development Officechuan Khawzawl District chhunga thlanbik khaw hrang hrang atangin mi parukte hnenah Diltui zirchianna Testing kit a semchhuah bakah a taka tihchhinna Pu R. Lalrintluanga dil, Tuisenphaiah neih a ni.

Heng thlan bikte hi an khaw thenawm ten tul leh mamawha an pur theih leh test tir theih an ni dawn a ni.

Training-a tel ten sangha dil tui hriatchian hi hlawk zawka sangha thar theihna anih avangin phurawm an tiin, mimal leh District chhunga sangha dil neitute hmasawwna kawngah penkhat tala an pen theih ngei an in beisei ni a thu dawn a ni.

<><><>

MAMIT

Mamit district headquarters Land committee chu an chairman, Mamit Bawrhsap nibawk pu VL Remliana hovin nimin khan Mamit DC conference hall ah an thukhawm.

He thutkhawmah hian Mamit khawpui huam chhunga house pass dilna 69, periodic patta 9 leh land lease dilna 1 bakah House pass renew dilna 7 leh periodic patta renew dilna 30 te ngaihtuah a ni.

Heng dilna te hi dan dik tak a ram dil, revenue department hriatpuina a chhawpchhuahte niin house pass dilna lut 69 zinga 69 te chu pass pek tur a rawt nise an ti a, house pass dilna dang 9 te chu gas pipelines kalna tur hmun anih avangte leh chhan dang avangte in hnawl hrih a ni a, periodic patta dilna 9 leh land leased dilna 1 leh pass renewal dilna te chu pass pek tur a rawt vek nise an ti bawk

<><><>

PM

India leh Russia chuan kum 2030 hmaa dollar tlukelhdingawn 100 hu sumdawnna kalpui an tum Ram pahnihte hian inremna thuthlung chi kua an ziaak a. Heng zingah Environment and Climate Change, Carthography, Polar Research, Investment, Trade leh Pharma te an tel a. Hei bakah hian Broadcasting lamah inremna siamin Prasar Bharati leh TV Novosti ten inremna an ziaak a ni.

Nimin khan Prime Minister Narendra Modia leh Russia President te hi Moscow ah an inkawm a. PM Modia chuan India leh Russia inlaichinna chu hun lo kal zelah a nghet chhoh telh telh ang a ti a. Pu Modia chuan kum 10 chhungin tum 17 an inkawm tih sawiin kum 25 kalta chhungin bilateral meeting tum 22 a awm tawh a ni a ti bawk.

Prime Minister Modia chuan kum 40-50 chhungin India chuan firfiaka chetna a tuar a ti a. Moscow-a firfiaka chetna thleng chu an tawrhpu hle a ti a.

Prime Minister chuan firfiaka chetna chu eng ang pawhin langchhuak se an dem takzet a ni a ti a. Kum nga kalta chhungin khawvelin chona lian tak tak a tawng tih sawiin Covid-19 hrileng avangte leh ram leh ram innghirnghona avangin harsatna tam tak a thleng a ti bawk. Pu Modia chuan India leh Russia inlaichinna chuan India rama loneitute leh consumer te a pui nasa tih sawiin khawvela tuialhtheia harsatna a thlen laiin Russia puihnain Idnia chuan mi naran te thlengin petrol leh diesel mamawh a neih phah a ti a. Khawvel sumdawnnaah India leh Russia te inremna chu a pawimawh hle tih hi ramdang pawhin an hriatpui a tul a ni a ti bawk.

<><><>

CBI NEET-UG

CBI chuan NEET-UG paper leak thubuaiah mi pahnih an man belh. Thudawn danin CBI te hian NEET-UG paper leak an chhui mekah nimin khan Bihar ah mi pahnih an man belh a. Pakhat zawk hi Nalanda-a awm niin pakhat hi Gaya district atanga man a ni thung.

<><><>

PRINCIPAL SECRETARY

Professor leh Dr.Soumya Swaminathan chu Union Ministry of Health and Family Welfare for the National Tuberculosis Elimination Programme Principal Advisor atan ruat a ni.

Prof. Swaminathan hian he programme kalpui meka hmachhawp te tihhlawhtlin kawngah te, policy hawi zawng her rem leh rahchhuah tha zawk a awm theih nan leh zirchianna lamahte sawrkar hnenah thurawn a pe thin dawn a ni.

Prof. Swaminathan hi World Health Organisation (WHO) a chief scientist hna thawk thin a ni a. Indian Council of Medical Research (ICMR) ah Director General a ni tawh bawk a ni.

<><><>